



Dikeletso bakeng sa ho kgetha dibuka

O ka ba le seabo sa bohlokwa haholo sa ho thusa bana ba hao ho kgetha dibuka tse ka etsa hore ba dule ba bala dipale ka mehla. Ke tseba tse ding tsa dikeletso tse tla o thusa. Leka keletso e le nngwe ka nako. Sheba hore ke dife tse sebetsang hantle haholo bakeng sa hao le bana ba hao.

Sebedisa dipuo tsa lona tsa lapeng

Dibuka tsa masea le bana ba eso ka ba kena sekolo di lokela ho ba ka puo ya bona ya lapeng ka ho ya ka moo ho ka kgonahalang. Lekang ho fetolela dibuka tse nang le mantswa a mmalwa haholo, a sa phatlalatswang ka puo eo o e batlang. Leka ho fumana dibuka tsa bana ba baholwanyane ka dipuo tsa bona tsa lapeng hape hobane eng kapa eng e balwang e natefetseng ka puo ya lapeng e tebisa kananelo, tsebo le tshusumetso ya ho tswela pele ka ho bala.

Dibuka tsa bana ba banyenyane le masea

Bana ba banyenyane ba rata ditshwantsho le dinepe tsa mebala e kganyang tsa dintho kapa batho mme ho na le mengolo e bonolo athe ba rata hape le ho utlwa merethetho ya puo, le ho mamela ho phetapheta le morumo. Dibuka tsa ho qala tse nang le diketso tsa ho otlala matsoho le ho oma ka hlooho ke tsona tse ntle haholo bakeng sa masea. Leka ho fumana dibuka tsa boto kapa dibuka tsa lesela hobane tsona di ka hlafunwa tsa ba tsa hulakwa ntle le ho taboha!

Morethetho le morumo

Bana ba hao ba banyenyane ba natefelwa ke dibuka tse tshwantshitsweng ka ho hlaka tsa ho robatsa bana, mantswa a ho bapala le morethetho.

Ba natefelwa hape ke dibuka tseo sengolwa se nang le morethetho o matla, kapa moo ditemana di phetaphetwang.

Ditshwantsho feela

Dibuka tse se nang mantswa ke peeletso e kgolo haholo eo o ka fumanang monyetla wa ho pheta pale ka tsela ya hao baneng ba hao mme bona ba ka iqapela dipale tseo e leng tsa bona hape. Dibuka tse se nang mantswa ke mohlodi o moholo bakeng sa ho sebedisa dipuo tse ngata, le bana le batho ba baholo ba buang dipuo tse fapaneng.

Tse tlwaelehileng le tse ntjha

Kgetha dibuka tse itseng tse bontshang dintho tse ka bang tse tlwaelehileng baneng ba hao – mohlala, dibuka tseo ho tsona malapa ka a bohehang jwalo ka a bona le moo pale e etsang hore ba leke diketsahalo tsa bophelo tsa mefuta e fapaneng letsatsi le leng le le leng e leng tseo e ka nna ba ba di tseba kapa ba kile ba teana le tsona. Kgetha dibuka tse ding hape e le hore bana ba hao ba batle ho tseba ka dintho tse ntjha mme ba ba le boiphihlelo bo botjha. Tse ding tsa tseba e ka ba ditshumo, dipale tse etsahalang dibakeng tse fapaneng le ditso kapa dipale tse mabapi le ho makatsang le tse kgahlisang.

T: +27 (21) 448 6000

E: info@nalibali.org

 www.nalibali.org

 www.nalibali.mobi

 [nalibaliSA](https://www.facebook.com/nalibaliSA)

 [@nalibaliSA](https://twitter.com/nalibaliSA)

 [@nalibaliSA](https://www.instagram.com/nalibaliSA)





Mehlopi Ya Thuso

Ho bala le bana ba baholwanyane

Ekasitana le bana ba kgonang ho bala ka bobona ba ananela ho ballwa le bona. Ho balla hodimo hangata ho bolela ho kgetha dipale tse sa rarahanang ka puo le tema ho ena le tseo ka tlwaelo ba ipallang tsona. Tse ding di ka ba mabapi le bothata kapa dihlooho tse hlokolosi. Ho molemo ho fapanya kgetho ya dibuka tseo ba ka di balang ka bobona kapa ba o balla tsona, dibuka tseo le ka di balang mmoho le dibuka tseo o ka ba ballang tsona.

Mefuta e fapaneng ke yona ntho ya bohlokwa bophelong

Kgothaletsa bana ho leka mefuta e fapaneng ya dibuka – dipale tsa sekolo, dipale tsa sepakapakeng, dipale tsa lelapa le tsa metswalle, dipale tsa tlhaho, dipale tse mabapi le histori le tseo tse mabapi le bahale ba banna le ba basadi mmoho le bafuputsi ba baholo, dipale tsa ho leka dintho, tse qabolang, tse makatsang le tse mabapi le ho sa tsejweng.

Ho shebana le diphephetso tsa bophelo

Dibuka tsa ditshwantsho le di-novel tse mabapi le dintho tse kileng tsa etsahala kapa tse etsahalang maphelong a bana – jwalo ka ho fihla ha bana ba batjha, ho hlala ha batswadi kapa diphephetso tsa setswalle – ho ka thusa bana ho sebetsana le maikutlo a bona le ho tobana le dintho tseo di ba tshosang. Dibuka tse ding di ka o thusa hape ho tobana le dintho tse ka ho swabisang kapa dihlooho tse hlokolosi tse jwalo ka tsa thobalano, ho kula le ho hloka-hala

ka ditsela tse sa tobang.

Ho bala bakeng sa tlhahisoleseding

Dibuka tsa tlhahisoleseding ha se dibuka feela tsa bana ba baholwanyane. Ho bile ho na le dibuka tse ngata tse nang le tlhahisoleseding e tshwanetseng bakeng sa bana ba dilemo tsa o kena keretjhe. Dibuka tse nang le dintlha tsa nnete di kgothaletsa hore bana ba batle ho tseba dintho le ho ipotsa ka lefatshe la bona la tlhaho le leo ba phelang ho lona. Ho bala ka dipale tsa bophelo tsa batho ba ileng ba ameha dinthong tse jwalo ka histori, dipolotiki, bonono, mmino, papadi tsa kalaneng, bongaka le saense e ka ba ba nang le tshusumetso e kgolo batjheng ba ipotsang hore na bophelo bo mabapi le eng. Ka nako eo, ba hodisa tsebo le kutlwisiso ya bona mme ba ithuta ka hore ke hokae moo ba ka fumanang tlhahisoleseding le teng jwang.

Etsa dipatlisiso tse itseng

Botsa basebetsi ba laeborari ba leng laeborari ya heno hore ke bangodi bafe bao bana ba dilemo tse itseng hangata ba natefelwang ke dibuka tsa bona. Ba botse hape ka dibuka tse leng ka puo/dipuo tseo o di ratang. Phenyekolla ho Inthanete kapa laeboraring dibuka tse fentseng dikgau, ditshomo le di-folktale ho tswa Afrika le lefatsheng lohle.

T: +27 (21) 448 6000

E: info@nalibali.org

www.nalibali.org

www.nalibali.mobi

nalibaliSA

@nalibaliSA

@nalibaliSA

